

金

石

萃

編

金石萃編卷一百四十七

賜進士出身 誥授光祿大夫刑部右侍郎加七級王昶謨

宋 二十五

折克行神道碑

碑高一丈二尺八寸廣四尺五寸行數字
數刻世不可計正書在府谷縣孤山堡南

上缺

諸軍事秦□□□秦州管內觀察使充太原府路

兵馬鈐轄知府州軍州事兼管內勸農使兼麟府州管

界都巡檢使兼河東第十二將上柱國高平郡開國公

食□□□□□□□□□□□□□□□□□□□□神

道碑

朝散郎試給事中兼侍講同修國史西安

縣開國子食邑五百戶賜紫金魚袋臣毛友奉

勅撰

翰林學士中大夫知制誥兼侍講修

國史成都郡開國侯食邑一千一百戶食實封壹伯

戶賜紫金魚袋臣宇文虛中奉□□

行既葬八年其子右武大夫康州刺史知府州可求

言于朝先臣克行官爵皆應法當有隧道之碑敢

以請天子曰嘻惟爾之先保有永安禱風沐雨

世捍邊垂舉州來歸缺駕克捷有功自我缺宗以來所

以假折氏之靈甚寵西人之不驕緊折氏是憑今其云
亡雖無言固將休顯之適 詔給事中臣友汝為之

銘臣友再拜稽首而言曰西夏自元吳乘中國久安玩

治之後空口口寇陷缺數出不利一方用兵騷缺之憂

熙寧元豐間大飭邊備既開熙河遂斷賊右辭鷹揚之

將時則有若王韶賈逵燕達种諤其餘不可勝數

哲宗皇帝懲元祐罷兵弃地驕口之過擇將練兵大

復熙豐之政口城天都口逼橫山口口口口浸以衰弱

當時邊將折氏為第缺幾與西人戰大小百七十遇未

嘗喪敗兩獲鉅萬萬功在右府行在奉常光榮福祿有

始有終臣爲史口口口褒善而記功雖不能其敢以固
陋辭公字遵道出河西折掘姓五世祖從阮唐末爲府
州刺史晉以府州賂契丹從阮不從自拔歸漢缺太祖
受命來覲委以腹心德辰生御卿公曾大父也

太宗征太原以兵來迎收復嵐口爲永安軍節度使贈
太師燕國公大父惟忠簡州團練使贈崇信軍節度使
父繼閔宮苑使果州團練使麟府路駐泊兵馬鈐轄贈
太尉曾祖妣蘇氏缺人梁氏梁國太夫人祖妣劉氏彭
城郡夫人妣劉氏慕容氏郭氏吳郡魏郡魯郡太夫人
初公富承襲太尉公以公幼表授其弟繼祖公久居行

間無所知名熙寧二年賊寇慶州

詔种諤合鄜延

河東路大軍城囉兀以牽制之繼祖以所快鋒遇賊開

光川尙堡嶺再戰皆利諤患賊抄糧道卽以三千人口

公戰葭蘆川於是人行少公公奮先登所向如有神諸

老將鄂曰真太尉子也斬首四百級生降千戶驅牛羊

羸馬棄宅萬計其後會公兄克柔以疾不能將遂以公

知府州

鉄

主秉常

詔五路出師問罪張世矩口河

外兵表公別將蕃兵與口廷議難以守臣自行令選子

弟部三千人隸世矩公抗章願率部落先驅報國未報

卽委管轄以行賊據營平逼官軍公進擊潰去是夜世

矩被命班師以公爲後拒賊缺躡其後公止俄枝盤堆

度賊半度隘縱兵擊大敗之殺咩保吳良師還自劾擅

與缺詔釋不問王中正口口口口公將行口右口時軍

中旗物大軍悉已取其善者餘皆雜惡不可用公命口

其短長黑白劄五軍陳法團爲五部部爲一色以口缺

州賊遁去公遣騎追擊生擒五人不殺使爲鄉道中正

命公口千騎先趨宥州一夕拔之時賊保險口口口中

正命公口援口口口戰公曰口大軍不易至此若不速

戰情見力口進退不可卽提刀躍馬而前手格殺數十

人所當皆靡戰士缺挽公徐之公不顧以策招後軍口

給言賊陳動矣衆謹乘之大敗賊衆乘勝追奔口五里
賊久窺河外患公每口口口口畏之口口口口兵口口口
折氏雖舉國犯他路而左口兵未嘗隨明年四月破賊
于青岡嶺九月又破于廝羅川六年二月口口口口二月
擊賊三角川斬偽鈐轄吳埋保等元祐二年以蕃兵破
賊于口摩川六年會諸將出口水川鏖戰公口口口口
口大破之口口口口口千級有奇餘皆赴水死紹聖三
年擊賊遮沒大破之九月青岡嶺又被之是月賊犯鄜
延公統兵牽制至口口口口孫覽帥大原議城口口以復故
也邊將論多不合覽檄召公問策公條具所見遂檄公

以□□界□賊擊寧浪□□□□於吐渾河分追□

將□分爲深入□□之狀賊疑不敢動□□□□

進築公□□□至□慶川賊至大敗之斬二千□缺□

□黃川五年掩襲□烏□□獲偽左廂鈴轄令王兒沒

崖副鈴轄兀勒香□頭□兀姚□□□賊□□□

□□□□橫川元符元年又破□□嶺九月又破□□

□十月又破遊□川賤兀流十二月又破□勒圖明年

正月大破賊藏才山□缺月又破龍馬川時□□□

東進□□□□□缺延帥□□□□□□□□公

□□□□□□□□□□□□□□□□□□□□

□□□明年□□□□□□□□□□□□□□□□

□□□^缺□□□□斬首萬三千級生降□□□□□□

□□□□萬三千□□□□□□□□□□□□□□□□

□□□□□□□□□□□□□□□□□□□□□□□□

□□□□□□□□□□□□□□□□□□□□□□□□

□□□□□□□□□□□□□□□□^缺□□□其動則

若□□水於于□□□□□□者以故大出則大□□

□□□□□□□□□□□□□□□□□□□□□□□□

□□□□□□□□□□□□□□□□□□□□□□□□

□□□□□□□□□□□□□□□□□□□□□□□□

□□^缺□□□□□□大至難支□□□□□□□□

□請帥□□□□□□□□□□□□□□□□□□

□□□□□□□□□□□□□□□□□□□□□□

□□□□□□□□□□□□□□□□□□□□□□

□□□□□□□□□□□□□□^缺□□□□□□□□

用則雖□□□□□□□□□□不能欺賊以下殘缺不可錄

號年缺文云武恭公既葬八年其子可求請立隧道

之碑克行以大觀二年卒既葬八年當是政和六年

也可求降金者故克行本傳不及其名 碑叙次克

行家世官爵大略與史並合惟御卿贈太師燕國公

惟忠贈崇信軍節度使史不及之耳世以此碑爲折太君碑攷折太君德辰之女楊業之妻也墓在保德州折窩村非此也金史張奕傳云天眷三年夏人侵界詔奕往征還奏曰折氏世守麟府以抗夏人本朝有其地遂以與夏夏人夷折氏墳隴而戮其屍折氏怨入骨髓而不得報今復守晉寧故激怒夏人欲開邊釁以雪私讎朝廷遂移折氏守青州據此則折氏之祖墳在府州者多爲夏人所夷今此及嗣祚兩墳翠石崑然歷千年而不泯當是折氏世篤忠貞之報今因以五代宋書三史及碑叙其世系庶有攷焉

碑陰並列所統各寨主姓名史稱折氏自從阮於唐
莊宗時起家府州至宋高宗建炎二年可求以地降
金凡七世父子兄弟相繼扞衛邊境者歷二百餘年
而嗣祚碑有自武德中詔府谷鎮邊使之語邊使者
唐鎮官名是折起于唐初迄于宋金之際也幾歷五
百餘年簪纓不替其勛業彪炳史冊卓絕千古觀此
碑陰益見其控禦邊陲鈐轄蕃漢之遺制焉

關中金
石記

按此碑殘缺過甚全文不知若干字今存者尙一
千二百餘字標題已缺其姓賴其文內尙有可攷
碑爲奉勅撰書撰者毛友史無傳書者宇文虛中

傳稱字叔通成都華陽人大觀三年進士歷官州
縣入爲起居舍人國史編修官同知貢舉遷中書
舍人碑系銜云翰林學士中大夫知制誥兼侍講
史皆略之碑云公字遵道出河西折掘姓廣韻云
虜複姓南涼禿髮僞擅立其妻折屈氏爲皇后此
作折掘文之異也碑又云德展生御卿公之曾大
父也大父惟忠父繼閔宋史折德展傳德展二子
御勲御卿御卿淳化五年拜永安軍節度使契丹
大將韓德威率衆來侵御卿疾甚其母密遣人名
歸御卿曰世受國恩死于軍中其分也朔日卒子

淮正惟昌惟信惟忠惟忠字蓋臣累進簡州團練使喪母起復雲麾將軍卒碑略其雲麾將軍子繼宣繼閔繼祖繼世繼閔以勞累遷宮苑使領果州團練使皇祐二年卒史略其麟府路駐泊兵馬鈐轄子廣孝克行克行初仕軍府擢知府州在邊三十年戰功最多羌人呼爲折家父官至秦州觀察使卒贈武安軍節度使子可大爲榮州團練使知府州東都事略可大初官此其大略也其餘碑文較詳于史而大致皆合碑末段可見者云由近及遠口口法也公曰不然事有奇正今入城已口云

云此下間段駁蝕據傳則云詔河東進築八砦通
道郎延延帥遣秦希甫來共議克行請兩路併力
遠者爲先希甫曰由近及遠法也克行曰不然事
有竒正今乘士氣之銳所利在速故先遠役以出
其不意若徐圖之心且怠矣希甫持不可并上二
議卒用克行策此段原委如此得史而碑之缺者
可攷矣傳此下無多語大約碑文此後所缺亦無
多矣今碑在府谷縣孤山堡南稽之陝西通志陵
墓條下不載其墓則亦因此碑之剝蝕不顯于世
故也碑陰列寨主姓名今失搨

上官革等寶雲寺題名

碑高三尺七寸六分廣二尺八寸
六分八行行九字正書在隴州

政和六年閏正月晦日以禱雪獲應謁謝

嶽祠早飭寶雲寺登覽佛閣偕來者司錄事員逄堯知
汧源縣庶徵卿教授王行可汧源簿賈裔尉高慥知軍
州事上官革命吏題

按汧源縣卽今之隴州州南七十里爲吳岳卽周
禮西鎮曰岳是也此題所謂嶽祠卽西鎮吳山廟
祀嘗至其處寶雲寺及佛閣俱無攷上官革等亦
無衍傳

謝彥溫泉詩刻

石橫廣三尺八寸八分高二尺十一行行五字行書在臨潼縣

宣句謝龍圖留題

自愧塵容去復來驪山頂上看崔嵬誰人得向長安道
會浴蓮湯十二回

政和丙申三月十八日謝彥子美書

政和六年五月日從事郎武功縣丞管句學事權臨
潼縣事梅安口立石

重修薦福寺塔記

塔高六尺八寸五分廣三尺二寸十七
行行三十一字正書篆額在咸寧縣

大薦福寺重修塔記

長安城之西南三里餘有寺曰大薦福自唐高宗時立
爲獻福寺至天授元年始改薦福并御書飛白額中宗
大加營飾以神龍年後翻譯佛經並於此院按兩京記
西北隅有薦福寺浮圖院實景龍中宮人率錢造立浮
圖凡一十五級高三百尺爲祈福之地自景龍至

本朝政和丙申三百九十二年風雨推剝簷角墊毀有
山谷迂叟因出往遊偶見是事喟然傷乎歲月浸久將
就傾圮使夫妙緣聖跡寂寥數百年來未有修崇之者
衆但咨嗟莫能辦集蓋此巍然寶塔寔爲諸佛無量劫

來薰修妙行誓願所成靈牙舍利悉貯其中普爲一切
衆生作大高廣福田故我喜於修完勇躍成就願此殊
勝淨行利樂無窮普沐妙因豈不躋哉於是負糧裹費
自竭其力雖一毫不假於人以是年二月己卯興功越
四月戊寅告成泊以徘徊副屋墮埽所擊上漏下濕損
弊尤甚悉皆修完遂復一新由是觀者如堵湊沓瞻仰
衆復歸向溥發善緣始山谷子廬於臨涇之白龍庵中
方宴坐間嗒然隱几而寐夢現一寶塔白光亘天躊躇
之間傍有人云此乃般若寶塔也子欲遊乎夢中謂曰
寶光充塞殆不能前又若有云但隨吾行於光明中往

來升降洞徹無礙遽然驚覺所夢寶塔猶在目前移時
方散後二年獲修此塔以白堊飾之素光耀日銀色貫
空正如夢中所見之像略無少異何報應之若是耶願
力冥契成就斯緣喜揭慶讚聊紀梗槩云大宋丙申政
和六年五月二十七日李堃記

勸緣住持傳法沙門永明立石

按碑云自景龍至本朝政和丙申三百九十二年
今由政和六年丙申歲逆推三百九十二年以前
乃開元十三年乙丑歲非景龍中也疑碑記憶訛

重修光濟寺碑

碑連額高五尺四寸廣三尺六寸四分三十三行行五十五字正書篆額在郃陽縣

重建光濟寺記

同州貢士張鑑撰

夏陽古西河之野當潼關之北自漢迄唐至於皇朝世為馮翊屬邑闔關之境分陝而西金城千里號為四塞地占天下上游口邑之封直郡而東不遠數舍版圖登口邑居關中佳處口口口勢勝則前嚮蒲坂之都會背恃龍門之峭絕大河派其左以俯矚汾晉梁山腋其右而平指條華其地靈人異則有有莘氏建都之址卜于夏明道之方廟像端肅文母始生之舊里也龍畝

膏潤伊尹昔耕之豐野抑有瑞應丹鳳覽輝之臺孝子
王祥躍魚之渚故築城□□以居民聚□□以爲市設官
府以聽訟開廩庾以受輸其來久矣城之東北隅崗阜
回旋若起觀□連屬映抱爽塏十仞以擁其後泉漢泓
澄若設明鑑支□□絡於田千頃而圍其前喬林蔚然
脩竹森然雲烟濃麗而四時春融樓殿輝映而萬瓦鱗
次者光濟之爲寺以處其中也方其興創之始偶□文
記莫得詳攷前後相承司其事者惟務因仍歲月旣久
循至圯廢有傳業法師惠嚴者爲兒童時捨身出家一
心向佛日以持誦爲樂雖寒暑之切肌食宿之不免者

聞亦忘之積習之美僅於十年乃中程於州長旣得度
後法乳昆季有請於其師明滋者曰嚴師精專而勤切
朴直而誠厚必可以起吾寺之廢滋亦然之遂以寺事
付焉而法師辭之辭不獲已而受之然常謂其倫曰吾
沙弥小師爾方此落髮以趨向真諦今口口以寺此固
吾家事也然寺隘陋而弊廢吾固欲闢其隘而廣之革
其弊而新之吾爲僧之日未久信義未孚于人人未我
知也一旦欲增建而崇起之其費不啻千萬雖有善知
識其我從者蓋亦寡矣莫若使我受圓具戒從遊禮願
聽學大乘法士之門得悟真覺無相之教然後開示正

信指授大眾興慈雲於貝梵布法雨於金田普爲衆生
施大利益則何求而不得也其師聞而壯之迺從其願
法師旣得免去擇善演說口遠亦從之窮經抗論披究
其文紬釋其義語執其疑似悟識其隱微口年於外名
成而歸滋且老矣旣至復授事乃募里人雷琦爲檀信
士琦城中之大族也資富鉅萬膏腴沃壤華屋口第連
亘輝煥甲於一方然厚於營生廉於自奉爲人頗溫淳
而長者樂於從善卽與法師相爲戮力旣捨家資又粒
衆施迎寒涉暑以夜繼晝構美材以爲厦範寶鐵以成
鍾始於元祐之丁卯逮於元符之己卯星霜一紀以至

落成法堂處其與三門直其前大殿居其中殿之兩旁
曰東西廊東廊之北曰鬼母堂又其北曰浴室香積厨
西廊之北曰投賓館又其北曰羅漢殿衆僧堂法堂之
左右翼曰法師寮當講位管勾房童行舍內羅漢殿及
闔殿賢聖並係檀信雷琦獨辦建置殊勝功德也又覺
角鐸拈金者鍾樓崛起於坤之口也庭竹敲玉者煖堂
隱處於乾之位也堂之北有隧邃然以洞其下有塔表
然以封其上者是又法師逆脩之墓也倚墓之背蓮寺
之垣口臺其上口口千里洪波巨浸風帆浪軸之河津
晉壤韓原禹厥秦中之吟域每一登覽盡在諸掌真所

謂形勝之地故寺之成也不侈不大幾於百楹不口不
陋金碧翬飛入其門而瞻仰姦偷惡少亦有恭肅之心
升其堂而作禮宰夫其盜猶有回向之念則法師之所
以增大寺宇崇飾教像誘人口善其於細民豈曰小補
又况寺之設也所以建置道場上爲 廟朝祈禱之
所仰惟 聖王有萬壽無疆之休亦惟光濟有万年
不朽之口余嘗至其寺每終日瞻玩似不知其在遠方
也蓋威里貴人之於 都城得 請爲薦福寺宇

者捨金弊極脩崇長廊廣殿連棟飛甍口口自天而下
幾非人力所能致者光濟之嚴潔逮靜有以髣髴焉法

師之功固亦勤矣法師以緇素脩靜梵非特足以易其弊而致其新又能有以善其生而全其樂其處世也無累真所謂解脫者今茲僧臘四十一而俗壽七十有六矣寺事委以小師洪禧日惟誦禮不忘其初上以報稱

國恩次以興謝

佛廡故門弟子日益滋多洪

勲而下凡一十一員解經論演教法以啓迪未悟者居其半余授徒治水之東相距□□□日禧持其口以來俾道其事詳而有據嗚呼若考作室厥子每艱於堂嘗厥父苗厥子每難於播養昔人深所望者迺禧等見之今其請也欲紀其師之功而懼沒其美是非獨有以不

墜其業而止爾抑有肯堂構播獲之念也余喜道法師
之勤而嘉與禧等之志遂述之云大宋政和丙申歲八
月十五日光濟寺住持講經論僧惠嚴管句僧洪禧等
立石 并書 刊字人薛立

成忠郎同州管界巡鹽舒

忠訓郎權同州馮翊等五縣巡檢侯進

忠翊郎管句同州夏陽鎮及鹽倉草場煙火公事范
從事郎知同州郃陽縣事專切管句學事教口保甲
管句勸農公事李養成

承節郎監郃陽縣酒稅務董濤

保義郎河中府同華州巡鹽尙口

保義郎郃陽縣尉陳口元

將仕郎郃陽縣主簿張基

按碑云夏陽古西河之野唐書地理志夏陽本河西武德三年析郃陽置又以河西郃陽韓城置西韓州乾元三年更河西曰夏陽隸河中後復來屬至宋熙寧四年省入郃陽是立碑之年已無夏陽碑蓋追述舊時建置也縣廢之後改爲鎮在郃陽縣南二十里鎮有太妣墓又縣城東四十里有太任太妣二聖母廟即碑所云廟像端肅文母始生

之舊里也光濟寺今陝西通志無攷

王邳等啟母殿題記

石高廣俱二尺六寸十一行行十一字十二字不等行書在登封縣嵩陽書院講堂壁

左武大夫忠州團練使知東上閣門事提舉中太一宮
兼祐神觀公事王邳子堅右武郎提點醴泉觀陳彪炳
文忠訓郎王淵深甫曰隨侍

口口節使太尉詣崇福得獲恭叅

啟母殿下遂觀

聖跡不勝大抃時政和戊戌孟夏十有八日彪謹題捧
硯人劉天錫

政和八年端午日靜正法師視朝散大夫知西京嵩山崇福宮事張若口

太上都功法錄弟子知廟事曹仲恭摸

嵩陽聶口口口

傅梅嵩書曰往來嵩山之麓每每從瓦礫荆棘中見有古人尺碼片石磨洗識認但文字可識者移置存古書院嵌於堂壁若鱗次然葉封與復嵩陽書院乃移置於此

說嵩

按記云詣崇福得獲恭參啟母殿下遂觀聖跡不勝太抃河南通志嵩山崇福宮在登封縣城東北

五里漢武帝創建名萬歲觀唐改名太一觀宋改
今名爲真宗祝釐之所啟母廟在嵩山麓廟前有
啟母石古云塗山氏所化漢武帝祀中嶽見啟母
石因建廟焉此記所謂聖跡殆卽啟母石也戊戌
年十一月己酉朔始改元重和此記刻於端午日
故仍稱政和八年

崇佑觀牒

碑高五尺四寸廣三尺四分行字多寡大小
不可計行書又奏據六行小字書在朝邑縣

陝府西路都轉運司奏據同州申據朝邑縣申本縣耆
老人戶賈口等狀本縣城西有岱嶽行官地居高阜殿

金石錄卷一百四十七
七
宇宏壯屋舍計一百六十餘間自來請道士王永清住
持焚修每遇亢旱祈求雨澤皆獲咸應人民無不歸仰
伏乞敷奏朝廷賜官觀名額本縣側近並無宮觀遇天
寧節開建道場委是順便本司保明是實伏候

勅旨

尚書省牒同州朝邑縣崇佑觀

牒奉

勅宜賜崇佑觀爲額牒至准

勅故牒通議大夫口左口王押起復少傅太宰押少保
少宰押太師魯國公

不押

政和八年九月十一日牒

後題云通議大夫守左丞王押者王黼也起復少傅
太宰押者鄭居中居中以六年爲少保太宰七年
八月以母憂去十一月起復八年進少傅少宰少保
押者余深也深以七年十一月爲特進少宰八年七
月爲少保太師魯國公不押者蔡京也以本紀列傳

攷之皆合

關中金
石記

升元觀勅

石連額高六尺三寸餘廣二尺七寸大小字共七行
字數不齊正行書額題升元觀勅四字篆書在秦
縣

尚書軍狀泰寧軍奉符縣升元觀

泰寧省牒據兗州儀曹掾兼兵曹婁寅亮狀稱契勘兗州奉符縣泰山之下有古洞天周三十里名曰三宮空洞之天載在國經是實卽日宮觀並無名額却有建封院一所逼連嶽廟之後殿屋完備田產頗多六一村僧占據住持征役民間安墳丘墓穢惡不潔深慮觸實真仙不便欲乞備申朝廷改爲道觀州司看詳本院委合改充前件洞天道觀伏候

指揮

膝奉

勅宜賜升元觀爲額牒至准

勅故牒

政和八年六月十四日牒

起復太中大夫守左丞王 押

特進少宰 押

起復少保太宰 押

太師魯國公 不押

政和八年閏九月二十一日夔慶府管內都道正兼
權措置升元知觀事洞元大師賜紫道士李中寂立
石

右碑在泰山東南麓升元觀其大字草書甚遒勁不
知何人筆錄之以見當日牒文之式考宋史婁寅亮

傳但云政和二年進士爲上虞人不言歷官兗州亦
可以此碑補史之闕其曰太師魯國公則蔡京也

金石

文字
記

碑前載泰寧軍狀稱兗州奉符縣其右旁書政和八
年閏九月二十一日襲慶府權措置升元知觀事洞
元大師賜紫道士李仲昭立石按徽宗紀政和八年
八月乙亥升兗州爲襲慶府故先稱兗州後稱襲慶
府矣牒後列尙書省長官曰起復太中大夫守左丞
王者王黼也曰特進少宰者余深也曰起復少保太
宰者鄭居中也都皆有押字曰太師魯國公而不押者

蔡京也陸游老學菴筆記云自唐至本朝中書門下
出勅其勅字皆平正渾厚元豐後勅出尙書省亦然
崇寧間蔡京臨平寺額作險勁體來長而力短省吏
始效之相誇尙謂之司空勅亦曰蔡家勅蓋妖言也
京敗言者數其朝京退送及公主改帝姬之類偶不
及蔡家勅故至今勅字蔡體尙在此碑勅字正蔡體
也

潘研堂金石文跋尾

桂林泐波巖還珠洞題名

橫廣三尺五寸高二尺六寸十行行六字
七字不等左行行書在臨桂縣龍隱上巖

清源劉鑑逢時膠東蔡惲樂道晉江呂汴子會祥符馮

元震亨之襄陵侯材晉卿苕溪王蕃于宣自湘南樓泛舟過浹波崑避暑抵暮而歸宣和己亥六月十六日

重新緱山僊祠題記

石高三尺六寸廣二尺三寸四行
行六字正書在僊師縣仙君廟

永定陵都監盧功裔重新緱山僊祠鉅宋宣和庚子歲

重陽記

成敏刊

億按石碣題云永定陵都監盧功裔重新緱山仙祠鉅宋宣和庚子歲重陽記凡二十四大字頗似山谷老人用筆其題鉅宋他石刻亦少見

僊師金石錄

八行劉先生詩

碑連額高六尺七寸廣三尺八寸五分十三行行十五字至十七字不等草書篆額在東阿縣黃石公祠

我昔讀漢史心師張子房從容輔漢室功成復翺翔皆

由受師黃石公也訓知進退存亡我本田舍兒本志在退

藏日緣遇 其主招聘助發揚五年寄京國心志

不皇皇亦由宿志定萬事皆批糠今日得歸來素志今

得償艤舟河縣下騎馬達祠堂伏行仙遺像我志愈激

昂誓歸東村住心祈契空蒼庶可見 張子侍翁入帝

鄉

宣和二年九月廿四日狀次劉採仙尉張思范陽范

朴羽人張昌道聯駟同來

勅差知東平府濟北穀城黃石山靈顯觀事兼京東西路傳授科教師賜紫艾知筌立石

忠訓郎東平府博州夾河巡檢兼東阿縣巡檢譚

修職郎東平府東阿縣主簿張口

通直郎知東平府東阿縣管句勸農事宋口

迪功郎東平府東阿縣丞吳世英 李全刊

徽宗大觀元年詔立八行取士科凡孝悌忠和睦姻任恤爲八行全備者耆隣保伍申縣申州申尚書省釋褐命官此劉先生殆亦以八行舉而留京師者歟

山左金石志

按劉先生不署名豈年月下有馱次劉採或卽其人歟宋史地理志東平郡本鄆州宣和九年改爲東平府宣和只七年無九年此或是七年之誤此詩宣和二年所書而艾知全等銜名有東平府字則是題詩在宣和二年立石在七年也

宋京太清閣詩刻

石橫廣三尺八寸高二尺二寸五分
十七行行十四字行書在高陵縣

登太清閣二首

望斷秦原日月寬
西來涇渭側依山
憑誰喚取王摩詰
寫到孤鴻滅沒間

金石錄卷一百四十七
三
輦路名存跡已陳斜陽今作幾家村
綠墻月轉華清夢
來破高陵渡口昏

宣和三年四月二十九日成都宋口口宏口

京請郡得關取道渭上觀爲命口詩刻次韻奉呈口

口奉議公 蜀宋京

金節逶迤去不還羅霄星斗煥秦天
白雲拱木今何在
歲月聲名相與延

乞守初來到渭濱
玻瓈親爲拂詩塵
口江集裏新添得
留取鍾評付後人

宣和辛丑四月晦

□□□知高陵縣事楊□立石 □陽米清摸刻

按宋京史無傳宋詩紀事云京成都人崇寧進士
不詳其歷官引成都文類載其琴臺武擔二詩而
不及此石刻

季季梵仙詩刻

石橫廣三尺一寸高二尺四寸四分十二行行
九字至十二字不等草書在上元縣新澤寺

塵窻雲暗青燈小松檜無風春悄悄子規枝上叫夢回
清磬一聲山月曉

官南官北添身累年去年來換鬢青何日歸來閑歲月
掃山廬墓過餘齡

大觀戊子暮春季季

政和癸巳四月廿四日將去此趙 闕 梵仙

万里區區學宦游江南江北幾時休朝來作別殿勤語
爲謝多情黃栗留

宣和四年壬寅歲四月旦日祈澤寺住持沙門道昇
上石

右季季及梵仙詩前二首後題大觀戊子暮春季季
季下著二點似是其人之字其詩云官南官北添身
累年去年來換髮青何日歸來閑歲月掃山廬墓過
餘齡則亦嘗仕於朝者矣詩又有廬墓之語或卽趙

孟遠之昆弟乎又一詩題云政和癸巳四月廿四日
將去此趨關自署梵仙亦不知其姓名也此與高逸
上人詩碣書法皆俊爽竝宣和中所澤寺沙門道昇
所刻葛寅亮金陵梵刹志所失載也

潛研堂金石文跋尾

朱濟道呈妙空禪師詩

表本高廣行字皆不計篆書在長清縣靈巖寺

二
平
隆
讚
向
東
州
見
盡
東
州
石
幽
而
見
靈
巖
禪
德
少
譯
留
以
一
東
州
山
水
亦
堪
遊
及
至
靈
幽
分
外
幽
會
前
應
師
象
指
示
直
須
於
妙
寶
華
頭
可
二

宣統五年二月廿九日未濟謁陽素
呈如公然空禪師

□ 汝濤定禪師之觀音代夏初居靈
品□□ 坤寶峯胎釋迦石像夏武嶽
自

釋文

二年催遣向東州見盡東州水石幽不把尋常費心眼
靈巖消得少遲留 右一

東州山水亦堪遊及至靈岳分外幽會有定師能指示
直須行到寶峰頭 右二

宣和五年二月初九日朱濟道偶書呈如公妙空禪師

口魏法定禪師乃觀音化身初居靈岫口口神寶峰作釋迦石像良有深旨

按朱濟道不詳其何許人如公妙空禪師者妙空是賜號名淨如住持靈巖者也末小字注二行十九字亦篆書記法定禪師事長清縣志云法定禪師梵僧也魏正光初杖錫來遊方山見希有如來曾於此成道遂經營梵宇有蛇引道二虎負經并白兔雙鶴之異遐邇助工於是窮崖絕谷化爲寶

坊勅賜名靈巖寺志但詳剏建靈巖而不及法定
禪師爲觀音化身此碑可補邑志之闕

妙空禪師二頌

石橫廣二尺七寸五分高二尺六寸五分前刻二頌
十一行行十二字十三字後刻記三行每行字數二
十四五六不等行書
在長清縣靈巖寺

拙頌奉別 知事頤首兼 雲堂諸禪衆

住山淨如拜呈

七年林下冷相依自愧鉛刀利用微聚散莫云千里遠
翰天一月共同暉

慈書記寫予真求讚慢書此以塞來意

肩不修疎頭突兀鼻聳垂兮顛無骨長憐百醜兼且訥
慈禪慈禪不我拙名兮邀兮水裏月咄

宣和五年八月初三方山老拙書

妙空老師嗣法薦福英和尚出於大宗師門下兩坐
道場僅四十載凡示徒貴機用唯棒喝可語言知客
道德獲此二頌褒之久矣師今示家命工摹石蓋傳
不朽皇統三年中焮日監寺僧義由謹記

宣和重修東嶽廟碑

碑高二丈五寸廣七尺五分二十六
行行七十四字正書篆額在泰安縣

宣和重修泰嶽廟記

翰林學士承旨正奉大夫知制誥兼侍講修

國史南陽郡開國侯食邑一千五百戶食實封壹

伯戶臣宇文粹中奉勅撰

朝散大夫充徽猷閣待制知襄慶軍府事管句

神霄玉清萬壽宮兼管內勸農使兼提舉濟單州兵

馬巡檢公事陳留縣開國男食邑三百戶賜紫金魚

袋臣張滌奉勅書篆

宣和四年九月有司以秦嶽宮廟完成奏功

制詔學士承旨臣宇文粹中紀其歲月臣

粹中辭不獲命退而移文有司盡得營建修

崇

郎官本末與庀工鳩材因舊增新之數謹

再拜稽首而言曰臣聞自昔受

命而帝者咸

有顯德者在

天庭合四海九州之懽心以爲

天地社稷百神之主故有壇場圭幣以象其
物有官室祠宇以猶其居有牲牢酒醴以薦其潔有祝
冊號嘏以導其誠其漠然而意可求僂然而誠可格殆
與人情無以異是以黃帝建萬國而神靈之封七千虞
夏商周文質迭救雖所尙不同而事神以保民其歸一
揆故其書曰望于山川徧于羣神又曰山川鬼神亦莫
不寧其詩曰懷柔百神及河喬嶽又曰墮山喬嶽允猶

翁河河東曰兗州其山鎮曰岱山自開闢以來尊稱
東嶽其穹崇盤礴雖號爲一方之鎮而觸石膚寸不崇
朝而利及天下是以歷代人君昭姓考瑞盛登封之禮
告祭柴望五載一巡守必以
岱宗爲首而

神靈烜赫光景震耀載在書史接于耳目者奕
奕相屬也
宋受
天命建都于汴東

倚
神嶽遠不十驛
章聖皇帝肇修

封祀蓋嘗躬歛
祠下欽惟

神靈響答之異念唐開元始封王爵禮加三公一等
未足以對揚
休應遂借
五嶽咸陞

帝號自是官廟加修薦獻加厚四方萬里士
民奔湊莫享祈報者蓋日益而歲新也
皇帝

聰明仁孝光于上下

神動天隨

德

施周溥既已躋斯民於高壽迺

申敕中外凡

所以禮

神祇崇顯祀盡志備物畢用其至歲

在辛巳迄于壬寅

詔命屢降增治官宇隸屬

外周采恩分翼歸然如

清都紫極望之者知

其爲

神靈所宅凡爲殿寢堂閣門亭庫館樓

觀廊廡合八百一十有三楹財不取于賦調役不假于

追呼而屹然崇成若

天造地設

靈

祇燕豫福應如響嗚呼真

盛德之事也惟古

聖王先成民而後致力於神故奉牲以告曰博碩肥腍
謂民力之普存也奉盛以告曰粢粢豐盛謂三時不害
而民和年豐也奉酒醴以告曰嘉栗旨酒謂上下皆有
嘉德而無違心也臣竊伏觀

皇帝陛下臨御

以來

夙宵之念無一不在於民者發號出令

以誠以告頌恩施惠以生以育設官擇人以長以治制
法垂憲以道以翼以訓以齊政成化孚中外寧謐於是
國有暇日以修典禮民有餘力以事神祇咸秩無文周
徧羣祀自古所建上下遠邇靈祠吉祝于今莫不畢舉

觀是官廟土木文采輪奐崇麗則知郡邑之富庶惟帳
燄煌袞冕璀璨則知絲枲之盈溢牲牲充庭醪醴日御
則知耕牧之登衍簫鼓填咽歌呼係道則知氣俗之和
平
神之聽之迺底陳于上
帝用降

鑿錫茲祉福則
社稷之安固
豐敷

之綿遠蓋方興而未艾也臣既書其事又再拜稽首而
獻頌曰

於皇
上帝
口觀九有
孰贊

天絳
山川封守
帝欲富民
俾阜貨財
溥潤澤

之
俾司風雷
東方岱宗
是爲
天孫

體仁乘震 生化之門 昔在章聖 崇以 帝

號 發冊大庭 五雲前導 施于子孫 格是神保

歲在攝提 新宮載考 皇帝慈儉 愛民

自衷 不侮鰥寡 不廢困窮 神鑒其仁 錫之婁

豐 皇帝神武 赫然外攘 馴服悍戾 以

蕃善良 神予其義 助之安疆 仁義既洽

民有餘力 還以報 神 神居是飭 峨峨

神居 作鎮于東 有來畢作 庶民所同

惟此庶民 惟皇作極 丕應侯志 徧為爾德 祝

皇之壽 泰山同久 握圖秉錄 歷箕旋

斗 祝

皇之祚 泰山等固 鎮安二儀

混同萬宇 下逮羣黎 徧敷錫之 億載萬年 惟

神是依 匪 神獨依 惟 天

無私 有諸康衢 述是聲詩

旨宣和六年歲次甲辰三月己酉朔十八日丙寅建

胡寧刊

案徽宗本紀既無制詔撥碑之文禮志嶽瀆條亦不
詳重修祠宇之事而此碑文體書法皆極壯觀實為
岱廟諸碑之冠惜宇文粹中張滌宋史皆無傳莫能
攷其事蹟耳碑陰列嶽廟職事人員凡二十行

山左金石

志

按此碑在泰安府城內西北隅岱廟內泰山舊有
上中下三廟此其下廟也凡歷代祭告皆於此行
禮廟之制中爲峻極殿南爲仁安門又南爲配天
門門東三靈侯殿南爲炳靈宮門外此碑在焉據
山左金石志碑有陰列職事姓名今失搨

賈炎饒益寺二題名

石橫廣四尺一寸四分高一尺三寸四分二
十五行行入字九字不等行書在湖邑縣

先考成正公留題

顯謨爾待制提舉南京鴻慶宮賈炎政和三年歲在癸

已夏五月蒙

恩罷廷帥領其祠奉母歸居穎昌與諸子公說公變公
傑公轍公節公烈公協公頡諸孫道運姪孫道同
過此寺二十九日題

政和五年夏自鄜延帥蒙

恩從請移守南陽六月二十七日侍

親過饒益寺頡謨閣待制新知鄧州兼京西南路安撫
使賈炎題諸子公哲公變公轍公節公烈公協公
頡諸孫隨德壽德隆侍行 呂元明馬元鈞偕來

宣和六年四月初八日男承務郎充專一總領措置

陝西路鑄錢司准備差使公傑親摹上石

河中府張崇智刊

先題云顯謨閣待制提舉南京鴻慶宮賈炎政和三年五月蒙恩罷延帥奉母歸居潁昌後題云炎自鄧延帥移守南陽侍親道饒益寺顯謨閣待制新知鄧州兼京南路安撫使賈炎題政宋史炎昌朝之子歷官工部侍郎政和中以顯謨閣待制知應天府徙知延安求內郡以養母乃命爲潁州未行復畱改河陽又改鄆州加直學士知永興入對畱爲工部侍郎卒贈銀青光祿大夫前後奉母過饒益寺者始則由延

帥之潁州再則山河湯改鄧州也傳文叙次不甚明白不如碑之詳著也又公傑題此云先考成王公而題傳亦不及其謚其缺略如此南京卽應天府唐之宋州也鴻慶宮太祖神御殿名

關中金
石記

按陝西通志饒益寺在朝邑縣南十里新市鎮創自蕭梁天監唐貞觀二年起十三層浮屠歷代名賢探勝賦詩勒石金新市監趙忭因歲久石刻殘缺收置藏春塢壁附以記今藏春塢賈炎題名石尙存卽謂此石刻也

淳化縣吏隱堂記

石高五尺廣二尺四寸二十行
行四十九字行書在淳化縣

淳化縣吏隱堂記

梨園昔雲陽支鎮爾 我宋淳化間易為縣隸華原宜

和初□□□□□□□□□□ 請□□南幽羽檄飛書

控扼兩路今為衝途簿書之繁戶口之夥不減劇邑名

公鉅儒臨蒞于此者比比焉蓋亦善地也方 朝廷口

□□令為民長人歲在乙巳命宣教郎賜緋魚袋張公

來典是邑到官未朞月而一境稱治老姦猾吏屏肩

緝首州郡知其賢□□下簡百里之民安居樂業豈不

應歎縣舍卑隘前後作治者倥傯於簿書間而修治補

廢鮮能及之 公一日環跡其宇口口口歎曰君子之
居一日必葺况令居一邑事邗遂完西堂使之南向命
曰吏隱又所以見 公爲政優游臨事不擾朝繁撥劇
口口寂然而申申於此也得公之餘錢以易其腐棧斷
瓦旣完且固不窘寒暑闢而卽之則縣之舊圃美木清
池遊息之亭微步口口皆在其後平畦淺檻佳花香草
之植皆在其左右於是退處其并心一意用其日夜之
思亦不敢忘其政非特爲休佚之設口口 公治民之
意勤矣堂之後楹曰蒙軒周徹明窓旁列机按書史圍
坐面面植脩竹直幹高節四時葱翠殊無一點塵埃氣

口口餘裕搜幽摘奇以醉六經此又得隱中之佳趣也
噫士被於化育民樂其耕桑以自養自足故牛馬之牧
於山谷者不收五口口積於田野者不垣而晏然不知
枹鼓之警發召之役也 公旣因其土俗而治以簡靜
蚤莫休暇故得以升其堂真所謂吏隱口口口本部漕
使朝議劉公馬來攝是邑也愛其民旣淳事且簡發於
詩詠作詩十章以蒙軒真吏隱之句冠於篇首後人慕
其口口刻諸石而 公又新其堂以居焉則知賢者用
心其不相遠矣 公三口顯族也 嚴府君使待制公
元豐間嘗遊是邑見口口地涼泉甘木茂徘徊不忍去

寓茲累年率邑中士人日從其學循循博約略無少倦
我公既登甲科而座下之士相繼馳口口口屋者有
之歲月遒邁口指四十年間今待制公累鎮巨藩勲
業昭著眷倚之重恩數之隆冠於一時天下口口口
祈公登庸而懇請琳祠優佚里閭爲四方達士之榮
觀公累歷幕府婉畫有勞朝廷知其績召還賜
對又特口口服褒之行將擢用矣顧小邑不足以
展其才公之臨也思昔杖屨所歷之地留心城邑
撫養士民誠亦至矣由是觀之口且隱於是以待超
騰也邑民欲公久此政但恐席未温紫詔西來促

裴東去預以爲思耳彥政雍人也旅食于茲行踰口口
又霑被德化沐 公顧遇其心如何哉 公以命堂
之意見囑僕素乏才能辭不獲已謾書其實 公字宗
成云宣和七年口月初三日杜陵石彥政記并書

按淳化縣五代以前總謂之雲陽縣宋淳化四年
析其地置淳化縣屬耀州宣和初改屬邠州碑故
云梨園昔雲陽支鎮我宋淳化間易爲縣隸華原
宣和初云云梨園宋史地理志作梨園雲陽縣鎮
名華原卽耀州華原郡也縣令張姿祖多善政而
史無傳撰書人石彥政亦無攷淳化縣隸邠州迨

靖康三年爲金天會五年金元帥府宗翰宗望率
兵伐宋陝西之地賜楚淪金蓋距此碑之立僅兩
年耳

太史公廟記

碑高三尺八寸五分廣二尺六寸五分
二十一行行三十三字正書在韓城縣

芝川新修太史公廟記

東魯尹陽撰

西韓焦丙書

太史公爲紀錄之宗表表而矜文辭者皆不能出其圃
吾得觀其書矣至于廟像冢藏之古吾弗得而見之宜

和七年秋予始官韓城尋遺訪古乃在少梁之南芝川之西得太史之遺像焉予咨嗟而致式之因低徊周覽則棟宇甚傾頽階阼甚卑壞堦墜甚荒蕪惟是享嘗缺然不至予乃愀然發喟屬諸耆老而告之曰司馬公文爲百世之英而所居不能蔽風雨學爲紀述之淵而所藏不能去剝擦今洪河汨流漾乎前也中條嵬起峙乎東也河嶽深崇氣象雄渾公文實似之而冢廟卑庠如此其不稱公之辭與學也甚矣獨不爲邦人之耻歟予乃率芝川之民擇其淑慝而好事者凡一楹一楹至于瓦甃門疏之用悉以資之卽公之墓爲五架

四楹之堂又爲複屋以崇之旣宏旣完矣於是直榮光
之澳規禹鑿之山面汾陰之雕縱口退觀豈不快哉嗚
呼維 公之文大肆於周漢之間馳騁於千世之前其
力最負實幹造化欲談而悉之吾所不敢動吾喙觀其
下葬於茲豈非洪河巨嶽實稱 公之文也哉乃作述
事享 神之歌俾邦人習之歲時以樂 公之神其詞
曰

公辭有如黃河流黃河吐溜崑崙丘上貫星纏經斗牛
下連地軸橫九州溯崖搏石轉狀流騰煙趾霧飛蛟虬
邇來宏放三千秋班公范夔非 公儔 公整混沌開

雙眸力敵造化窮冥搜 公祠悽淡連古丘甍摧瓦落
風蕭颯我獨來兮爲 公愁新 公祠兮去椽杞殺甚
豐兮酒甚旨民髣髴兮 公燕喜韓之原兮山之趾雲
亭亭兮河瀾瀾 公之來兮歲豐美雲爲車兮颺爲轡
公之來兮福滂被雲滅沒兮風不留 公曷往兮俾
我憂

靖康改元四月甲辰立石

刊字王彥

按太史公廟在墓前墓在韓城縣南二十里水經
注云司馬子長墓墓前有廟廟前有碑永嘉四年
漢陽太守殷濟瞻仰遺文大其功德遂建石室立

碑樹柏太史公自叙曰遷生龍門是其墳墟所在
矣陝西通志引雍勝略云太史公墓在韓城縣南
芝川鎮墓前有坡因號司馬坡而建祠焉韓城縣
志云漢太史令司馬遷墓在芝川南嶺上西枕梁
山東臨大河氣勢雄闊古柏數十百皆蒼老如鐵
懸於兩崖作蛟龍狀子長一冢巋然其巔祠壁石
壘林立代有名作家以石砌二柏出其上盤崛尤
奇北望少梁曉煙殘照如圖畫然以上諸條可與
此碑參觀俾讀者益資景仰云

拱極觀記

碑高三尺九寸二分廣二尺五寸四分
二十七行行五十字正書在華陰縣

拱極觀記

朝奉大夫新差提舉京

缺

進士按尉特添差充華州准備差使權華陰縣贍軍
務權詵書

大觀初 太上皇以水行協序潤下收功解梁奏鹽

澤復興實維薦瑞散則搖銀海聚則擁雪山其獲十

缺

宗社無疆之休 聖德謙冲功不自有乃歸美于

三

靈眷祐百神受職申遣王人在會清臣泊郡邑官僚按

封內與夫降境 方丘嶽鎮凡祠宇在祀典者

缺

靈貺

帝而照臨下土幽無弗燭遠無弗屆感無弗通其炳靈
妙用雖默運於冥冥不測之中斷邪滅妖拯危拔苦福
善禍淫每著於昭昭可見之地上衛 皇圖下濟群品
陰功密德殆不可數計察人間善惡功過欲使愚迷遷
善遠罪回向正道而已所以天下尊奉畏愛洞洞乎如
在其上故寓神之館隨在在而嚴飾也况拱極肇管境
占勝絕面橫蓮嶽之三峯背折龍門之一曲山川秀異
物產瓌琦誠古今仙聖之所宅幽人逸士之所會也道
之自徒殿至賜觀額住持二十年矣既克己礪行遵奉
戒錄普施符藥且得同徒郭隨之協贊薰脩之外共葺

觀事口筵操弄跪口泉石培植松竹花藥虛而明者軒
亭開邃而雅者洞府列煙霞葱朧風月澄澈將與華嶽
觀相表裏門枕大路介乎京洛雍蜀之間過客憧憧往
來名馳利鶩塵染塗污乃口妄觸禍機橫罹罪罟覆車
相望而不休不止吁可閔歎豈知口官清淨近在道周
外如市而中若水又可以息機返照頤神引年于斯也
公度庸濁凡軀夙叨道蔭言念宿世於真君或有少緣
蒙祐多矣醴泉探符則告以吉凶之祥鸞居求嗣則錫
以龜蛇之夢 神休靈貺無所報稱於是羽人求記謹
齋戒緝文以摛丹悃云靖康元年八月三日記

易曰神而明之存乎其人本觀舊記爰自 聖朝靖

康改元中朝奉大夫薛公所作刻諸瑰礲意欲傳於

久昨緣兵革遽起大火縱焚致于泯滅其文則道之

口嘗錄之以行逮今十三載矣經曰 口地運口有

數而口口口道之雖至愚細思 景貺得非 真君

之密檢耶謹募工重刊于石恭銘

休美云時昭興九年歲次己未中元日前西嶽知殿

兼 觀主賜紫道士雷道之謹記

副觀道士楊子淳 知觀道士楊道誠上石

王文口刊

右小碑本在拱極觀觀已久亡萬歷中有人指地得此碑置之嶽廟中與宇文周碑竝立其碑文鄙淺無足采然吾於是見宋人風俗之厚而黃冠道流猶能念本朝而望之興復其愈於後世之人且千萬也夫紹興九年高宗方在臨安而金人有許和之約考之於史八年十二月丁丑詔金國使來盡割河南陝西故地通好于我令尙書省榜諭九年三月丙申王倫受地于金得東西南三京壽春宿亳曹單州及陝西京西之地四月辛亥命樓炤宣諭陝西諸路十年五月金人叛盟陷永興軍則此地之復歸於宋蓋

無多日而雷道之一道士耳能于干戈喪亂之際而
繫思本朝辭微旨切以視夫士大夫之醜顏臣僕者
不大有逕庭邪余見朝邑藏春塢之記稱阜昌癸丑
西安府學有華夷圖刻亦稱阜昌七年而以偽齊刻
豫之號而欲壽之貞石豈不見此文而媿死也其沒
于土中久而後出豈陷金之後觀主埋之如鄭所南
井中心史之爲邪

金石文
子記

按此碑換人姓名已缺文中所有公度凡軀云云雷
道之記有云中朝奉大夫薛公所作則當爲薛公
度作矣而關中金石記乃云薛存撰或別有所據

陝西通志拱極觀已無攷据碑文則重和元年
降御香宣和七年賜觀名靖康元年刻碑記旋遭
兵革至紹興九年重刊當靖康元年八月金人內
侵皆在河北河東一路其時關中尙屬晏安逮紹
興九年和議已成陝西之境在受地數內故重刻
碑記尙覺優游乃紹興十年永興陷至十二年則
全陝悉淪于金矣金地理志京兆府路郡縣皆皇
統二年定制卽紹興十二年也

金石萃編卷一百四十七終